



## **Universitätsbibliothek Paderborn**

**Centvriæ Selectorvm Casvvm Conscientiae. I. II. III.tia**

**Burghaber, Adam**

**Fribvrgi Brisgoiæ, 1665**

42. Hermogenes æger præsente iam Parocho cu[m] S. Eucharistia inuenitur à Confessario inualidè ab aliquot annis confessus, qui idcirco, si mors imminet, debet post expositionem aliquot peccatorum & ...

**urn:nbn:de:hbz:466:1-40942**

mē si nullum afferant argumentum ab alijs non priūs bene expensum, vti sit in præsenti. Ad 3. hanc moderationem in ferendis legibus adhiberi debere, probè sciuit Tridentinum, & nihil contra eam facere se in statuto hoc novo censuit.

**XLII.** Hermogenes æger simul vocat Sacerdotem Religiosum, qui Confessionem suam excipiat, ac Parochum, qui dein se Confessione expiatum mox Sacro viatico muniat. Verū Confessarius deprehendit Hermogenem à multis annis male esse confessum, & iam indigere longiore tempore ad defectum hunc resarcendum. Quæritur. Quid cum ipso faciat Confessarius, præsente iam Parocho cum S. Eucharistia eidem ægro purigenda?

Videtur Hermogenes admitti non posse ad S. Eucharistiam. Quia iuxta Trident. sess. 13. c. 7. Et can. II. Sac. Eucharistia non potest permitti indisposito. Atqui Hermogenes est indispositus, vt pote existens in peccatis mortalibus, quæ necdum fuit confessus. Ergo &c.

**Resp.** Cum Granado de Sacram. Contr. 7. Tr. 9. D. 5. s. 3. n. 20. si ægro mors immineat, ita vt non supersit tēpus integrè Confessionis faciendæ, Confessariū audire debere illa peccata, quæ pro ratione temporis exponi possunt, & deinde factâ generali cæterorum accusatione Hermogenem absoluere, ac statim ad sumendum viaticum admittere: Si verò mors

mors non immineat, nec spatio dimidice horæ integra Confessio fieri possit, debere Confessarium excitare Hermogenem ad perfectam contritionem eliciendam, & indicatâ obligatione Confessionis integræ alio tempore faciendæ eundem quoque ad S. Eucharistiam sumendam admittere: Ratio prioris est, quia sic occurritur omnibus incommodis, nam subuenitur infirmo per Confessionem & absolutionem, porrigitur Eucharistia, & vitatur scandalum. Ratio posterioris est, quia ex una parte esset scandalum, si æger non communicaret: ex altera vero est minus inconveniens communicare absque Confessione, quam cum ea præproperè facta.

*Ad rationem in contrarium dicimus, Hermogenem pro his circumstantiis sufficienter per contritionem elicitem esse dispositum, ut absolue non dicatur indignus, & cum irreuerentiâ ad S. Eucharistiam accedere, perinde ferè, ut ille, qui proximè altare recordatur peccati mortalis, nec recedere absque nota famæ potest, ex communi Authorum non censetur indignus aut cum irreuerentia S. Eucharistiam sumere, si contritionem prius elicit, & Confessionem proximè faciendam proponat.*

XLIII. Hostilius refert, superioribus germanici belli annis in pluribus altaribus Sigillum, seu Sepulchrum fractum, vel etiam amictum fuisse, nisi nulla